

Den Ehrenvesten / Für-
nemmen vnd Weysen Herren / H. Johann
Jacob Bodmer des grossen Rahts / vnd Truckere. 2 der
löblichen Statt Zürich / Herz Ulrich Deri / Oberster Rahtsdienet
der löblichen Statt Zürich / als mein lieber Tauffgötti / vnd
Herz Daniel Heins / des grossen Rahts vnd bes-
stelter Bawmeister der vernampt-
ten Statt Bern.

D Ehrenveste vnd Fürnemme / insonders gün-
stige liebe Herren / dieweil ich / neben dem /
darzu mich Gott brüffen / von jugendt auff
mich zu den Mathematischen Künsten bes-
flissen / vnd ich die Authores alle durchläs-
sen / welche von Sonnen Vhren geschris-
ben / vnd mir sind zu handen kommen / als für das erste /
H. Sebastianus Münster / so Anno 1537. in Teutsch für
den gemeinen man geschriben / Demnach H. Sebastian
Schmid / Andreas Schoner 1562. Ein Büchlin zu
Strasburg getruckt im 1568. Jahr / Bartholomeus
Scultetus 1572. Johann Paul Galuci Salonensis /
1592. Demnach mein lieber Herz Großvatter selig M.
Burckhart Leman 1604. vnd Leonhart Zubler Gold-
schmid / vñ Hans Rudolff von Grassenriedt 1617. Jahr /
Also hab ich mich beflissen vnd nachgetrachtet / wie daß
ich möchte auch ein liechten / sonderbaren vnd gringen
wäg finden / ohne vil Zircklens vnd abtheilens an alle
orth / wie die einem möchten zuhanden kömen / ja daß ein